

平彝縣志卷之三

知平彝縣事於越任中宜纂輯

男 振芳校

地理志

疆域 形勢 險要 山川 關隘 風

俗 種人附

邑為徼外孔道全滇門戶之區南通苗疆中懷安海二獠厥土青黎內多磽确可耕者十之一耳誠荒服也然白馬清溪之聚

平彝縣志

卷之三 地理志

披閱黃圖居然列於名勝間矣惟地險阻舟車不通轉運無術財利難興欲望民生之裕曷可得哉作地理志

疆域

滇處京師西南極邊而平則滇東北之一隅也去京師一萬一百七十里在雲南省城東北四百一十五里在曲靖府城東北一百三十五里東至貴州普安州界十五里南至羅平州界二百二十里西至南寧

縣白水關界三十五里北至靈益州界十五里

物阜里在南露馬尋之間原係右所屯地
地土零星亦佐之豐約等營東北界連普
安而安邊營又東南插入普安城中安定
阿許等營西北與越州及安土接壤皆未
能以四至述也

形勢

神馬擁前翠屏列後清溪環流蒼崖峭立

平彝縣志

卷之三 地理志

二

黔界所分滇疆首邑

險要

地故遐荒壤屬夜郎西通滇戶東鎖黔關
北連安彝南距苗獯千山攢聚一線羊腸
滇之喉舌也

山川

龍馬山 一名白馬山在城南二十五里

高十五里三峯峙立中峯獨出昔有白
龍馬現其間至今石槽尚存鄉人結廬

於其上曰萬山雄鎮

巒岡山 在城東十五里崔嵬雄視在萬山之上

定南山 在城西十里明西平侯沐英關漢駐兵於此樹坊其上名曰定南山坊跡石址猶存

席帽山 俗名老哈坡在城西南一里許以形如席帽得名

蒙洞山 在城西北五里下有洪源洞高

平彝縣志

卷之三 地理志 三

二十餘丈

落蒙山 在城西一里今名古城寨元初建羅山縣於此

宗孟山 在亦佐城東南五里彝呼山之至尊者為祖慕訛為宗孟

旱改山 在亦佐城東十五里遇旱縣人禱之輒應

矣層山 在佐城西三里山有清泉居人皆汲飲之彝語水為矣因名

法園山 在亦佐城東南百里巖壁聳高
彝民禱祀祈年處

龍馬山 在亦佐城東五里石巖壁立每
遇微雨石上如物蠕蠕欲動相傳龍馬
出現故名

塊澤坡 在亦佐舊城西十里山崇坡陡
紆迴盤屈之徑劃成鳥形故名其巔為
鸚鵡嘴亦佐知縣邢偉作亭於上額曰
若凌霄漢

平彝縣志

卷之三

地理志

四

以則坡 在亦佐城南一百五十里山峻
而險其上有石或蹲或眠如人物狀者
不可勝紀其地產蘭四時幽香不絕亦
荒服之勝概也

五里坡 在亦佐城東百里陡峻難行康
熙四十年知縣任中宣督工治平可通
輿馬

宣威嶺 在城東十五里滇黔交界迎送
之盡境有亭曰萬里亭明景泰中巡按

御史洪弼立坊其條曰滇南勝境學道
壽以仁重修黔旅至此覺山平天濶東
望則菁霧瘴雲天限二方也

揚威嶺 在城西七里山險菁狹中多毒

蛇今無

清溪洞 一名三台在城西三里面溪流
中窅十餘里紫泉洞通芭火入之有浮
屠龍象芝朶雲英亭臺鐘鼓之屬皆石
乳濶結者騷人遊觀之所

平彝縣志

卷之三 地理志 五

桂花洞 在城北十里洞穴邃幽昔有百
尺大桂根盤洞底枝出洞外秋華時香
徹他山今無

紫泉洞 在清溪洞山後穴與清溪洞通
洞口寬敞有臺數重石乳流結一同清
溪中有水出曲折洄澹可以流觴

獅子洞 在城南十里水從洞出波光蕩
漾上下相映可舟可漁

三門洞 在城西北三十里

落水洞 在城西北十五里有竅九十九
水溢從竅出洪源洞

洪源洞 在城西北五里蒙洞山下

天生洞 在城東南一百二十里亦佐地

韜光洞 在亦佐地城東南二里炬火可

入不知深遠程封題曰韜光洞

響水洞 源出白水有深潭天生石壩

多羅海 長五里許遇靈雨則泛濫注注

若海漢人見陂澤即云海故名

平彝縣志

卷之三 地理志

六

十里河 在城西南二里合清溪河水至

羅平由廣西泗城達廣東入南海

黃泥河 在亦佐城東百里一名小黃河

四時水色帶黃源由樂民所北繞東歸

南入羅平江

蒲織河 在亦佐城東南九十里中生九

節蒲其狀如龍又如織成屈曲迴環盤

繞水面

塊澤河 在亦佐城西南十五里源發白

水驛達羅平江

以則江 在亦佐城南八十里

雙碧潭 在城東一里

鯉魚潭 在清溪之上天將雨則水渾既

清即晴

響水潭 在城西八里

黃龍潭 在巒岡山下

古城潭 在古城塞下

關隘

平彝縣志

卷之三 地理志

七

豫順關 在城東二里

宣威關 在城東十五里

分水關 在城北二里

風俗

土瘠民貧俗尚樸質疾信醫巫婚喪循禮
男務農耕女昧紡織人亦好義惟信道釋
籍多辰沅故俗類楚士知向學科第漸出
按滇舊志曰昔之言風俗以道里分今
之言風俗以年世分百年不同風又數

百十年不同俗譚景升元結所調化也
然有由鄙野而化文物者由澆漓而化
淳厚者皇風翔洽在事賢達之教詔觀
感為多又有由文物化侈汰者由淳厚
而化淫慝者則五方游寓之為也草詞
訟走公府誘取子弟產業造為蜚語皆
此儕也夫本土之人漢興彝耳諸書所
載陋惡不典者皆彝也今彝且漸化况
於非彝耶

平彝縣志

卷之三 地理志

八

元日祀天地祖先用桃符門丞往來賀歲
立春日春盤賞春以餅酒饋
上元之夕賞燈張樂次夕男女以類相將
遊行携爆竹插香於道相傳可以却疾
火樹星橋有古風焉

二月三日效修楔事

清明插柳墓祭

三月三日謁真武廟

二十八日謁嶽廟為東嶽會

四月八日為浴佛會

五月五日懸艾虎繫續命縷飲菖蒲酒以
角黍相饋

六月朔日至六日禮南斗祈福

二十五日為星回節束松苴於街衢釀飲

村落照田

占歲志云自茲善死後人哀之故有此
節或云即古秉昇炎火之意以焚蟲類
理或然也

平彝縣志

卷之三 地理志

九

七夕婦女穿鍼乞巧

中元祭先於家堂或焚冥衣楮鏹夜放河
燈

中秋以瓜餅祭月

九月朔日至九日禮北斗祈福甚盛

重陽登高飲茱萸酒賞菊以麩簇諸果為
花糕親識相酬饋

十月祀先墓祭

長至相賀互以糍餌饋

臘八日作五味粥

二十四日祀竈

除夕爆守飲分歲酒先少後老煨燼守歲
四更迎竈

冠禮今廢

婚禮求親敦請冰人於家讌而拜之至婦
家拜致主人意婦家既諾即讌之二姓
互相酬拜下定儀將娶訂期納幣然後
親迎其儀物豐儉各稱其力

平彝縣志

卷之三 地理志

十

喪禮棺槨殯殮皆從儉戚有力者於塋上
銘石為記惟彝人不用棺槨皆火化近
亦用木卜葬者多矣

祭禮塊肉雙蛋亦以裡祀兵燹之餘民俗
凋殘聊致孝思耳

廬舍之制與各省異各省止用磁瓦漢用
甌瓦相傳漢中風多明初特勅許用
市肆以十二支所屬之日為率如寅為虎
午為馬之類俗呼為銜子曰中而聚曰

夕而罷

交易者多用貝俗名曰肥子一枚曰莊莊
曰手曰手曰苗五苗曰索每百索值銀
一兩明嘉靖隆慶間兩次鑄錢彝俗不
識格不能行天啟六年因科臣潘士聞
之條奏巡撫閔洪學力行之錢法始通
見閔洪學奏疏相繼而行至於明末每銀一兩
敵貝至三五百索後至七百索而廢貝
不復用

平彝縣志

卷之三 地理志

十一

古者女子出門必擁蔽其面後世官人騎
馬多着罽羅全身碎之猶是古意漢俗
婦人出以綿帕覆面至老不去

周禮三農謂山農澤農平地農也註山農
南方之刀耕火種也蜀滇南之雷鳴田
也澤農江南之葑田廣東之海鹽鹽所
謂岸水插秧撐船割稻者也若平地農
只可以言中原不可該邊甸也平彝絕
無平原畝若階梯山地無水種蕎麥豆

梁之類大約種稻者曰田種雜糧者皆曰地

滇俗瀦水處皆稱海子高山峻嶺謂之坡呼雲為雲彩初生月曰月牙畫角為畫曉松莖為松明高田為雷鳴田謂雷鳴雨沛始得播種也

種人

黑羅羅

男子挽髮以布帶來之耳帶圈墜一隻披

平彝縣志

卷之三 地理志

十三

羶佩刀時刻不釋婦人頭蒙方尺青布束於額上短衣上披袈裟桶裙結繡上下迴紋手象牙圈趺足頂帶紅綠珠雜海貝琿璆以多為勝在夷為貴種凡土官營長皆其類也土官服雖華不脫彝習土官婦纏頭絲繪耳帶金銀大圈服兩截雜色錦綺以青緞為套頭衣曳地尺許背披黑羊皮飾以金銀鈴索各營長婦皆細衣短羶青布套頭居深山雖

高岡磽隴亦力耕之種耜苦二蕎自贍
善蓄馬牧養蓄息器皿用竹筐木盤交
易稱貸無書契刻木而析之各藏其半
市以丑戌日莖貴者裹以臯此賤者羊
皮焚諸野而棄其灰能為乳酪雜樵蘇
鬻於市腥穢休偻若鹿豕然性多悍黠
好攻掠漢人弗以女妻之

白羅襪

男衣兩截衣裹頭跣足婦人耳帶銅環被

平彝縣志

卷之三 地理志

十三

衣如袈裟以革帶繫腰在彝種為次貴
即土官之祀事等役是也喪無棺縛以
火麻裹纏舁於行椅前導七人環甲冑
執鎗弩四方射名禁惡止殺焚之於山
既焚鳴金執旗招其魂以竹簽裹紮少
許置小篋籠懸生者床間祭以丑月念
三日插山榛三百枝於門列篋籠地上
割燒豚每籠各獻少許侑以酒食誦彝
經羅拜為敬婚姻惟其種類以牛馬為

聘及期聚眾訂於女家奪其女而歸性
竅情淫酒病惟祭鬼占用雞骨

乾糶糶

彝中之氓也多貧被羊皮革帶佩刀每食
插筋飯中仰天而祝以為報本好勇喜
鬪殺人償之以財有讐怨雖父子兄弟
推刃不顧以上三種飲食或用蕨灰為
鹽居無床蓆男女跣足以背負重言語
缺古今漸染既久風俗丕變

平彝縣志

卷之三 地理志 十四

狝彝

習俗儉約男女皆事犁鋤服短衣長裙構
樓而居好食犬鼠病不服藥惟務祭鬼
相傳為宋時因罪投荒者祀祖猶類華
俗多姓王